



19.november 2018

UKA2018/58

Pisortat ingerlatseqatigiiffiisa allattugaataanik innuttaasut piniarsinnaalersinnissaat anguniar-lugu Pisortat ingerlatsinerat pillugu paasitineqarsinnaatitaanermut inatsisartut inatsisaat al-lanngortittariaqarnersoq pillugu apeqquteqaat allaavigalugu oqallinnissamik siunnersuut.

(Aleqa Hammond, Nunatta Qitornai)

Justus Hansen Demokraatineersoq oqallisissiaqarpoq soqutiginarujummik, tassa taassuma kissaatigimmagu pisortat ingerlatseqatigiiffii tamarmiusut ammanerusumik periuseqalissasut tas-salu avataaniit innuttaasut allattugaatinik piniarsinnaalernissaannik inatsisitigut ujartuimmat.

Isumaqatigaarput ugguuna, tassa pisortat ingerlatseqatigiiffii piginnittuminnut tassalu innut-taasunut ammasumik periuseqassapput aammalu paasiniaavigineqartillutik paasissutissanik tunni-ussisusaatitaaffimmik iluanni qisuariartassasut.

Siunnersuuteqartup aammalu naalackersuisut akissuteqaateqarnerminni erseqqissaassutigaat suli-anik sullissisarnermut inatsit aammalu paasitineqarsinnaatitaaneq pillugu inatsit INI A/S-imut atuutilerneqareersut. Namminersornerullutik Oqartussani kommuninilu amerlanerni inissiat attart-ortittakkat INI A/S-ip allaffissornikkut ingerlappai, tassa Naalackersuisut kommunillu INI A/S-mik atuisut aalajangersimapput inissiat pillugit allaffissornerit pisortat ingerlatsiviannit inger-latseqatigiiffimmut nuunneqassasut, tamassumalu aamma kinguneraa Illuut A/S-imut apaasitin-neqarsinnaatitaaneq aamma atuunnissaa isumaqatigiissutaareernikummat.

Pisortat ingerlatseqatigiiffii assigiinngitsorujussuupput, tamannalu uani isummersornermi eqqaamaqqissaartariaqarparput. Atugassaqartitsineq tamanit naligiit namminersornerullutik oqar-tussanit ukiorpassuannngortuni pingaartinneqartuartarnikuuvoq, tassa ima paasillugu namminer-sortut unammisat, imaluunniit nunat allat unammillikkanit atugassatigut ajornerusumik imaluunniit kinguneqarnerluutaasinnaasut mianersorfigineqartariaqartut isumaqarfigineqartuartarnikuuvoq. Inuiaqatigiit pigisaat illersussallugu aammalu ajornerusumik atugaqannginnissaa qulakkeerniartar-lugu.

Pisortat ingerlataat pillugit nalunaarusiat erseqqissut innuttaasunit ukiut tamaasa atuarneqarsin-naasunngorlugit saqqummiunneqartarput. Inuiaqatigiit pigisai innuttaminit malinnaavigineqarsin-naasunngorlugit tamanut saqqummiunneqartarput, tamannalu piuassooq pisariaqartikkatsigu. Pisortat ingerlatai ilai unamineqanngitsuupput ilaali annertuumik unamineqarlutik. Maani nu-natsinni imaluunniit avataanit. Periutsit assigiinngitsut uani eqqarsaatigineqartariaqartut isumaqar-pugut.

Nunatta Qitornai

Inatsisartuni



Ingerlatseqatigiiffiilli ilaqarput suna tamaat paasissutissat tunniunnissaannut mianersorfissallit, tassa niuernikkut aammalu akitigut allatigullu sunniutilimmik kinguneqarsinnaanera pillugu. Ammasumik ingerlatsiniarnerup aamma kingunerissanngilaa pisortat ingerlatsiniarnerani akornutinnngorsinnaasunngortissallugu aammalu pisariaqanngitsumik sunniuteqarnerlutsisinnaanermik. Ammasumik periuseqarsinnaanermut malittarisassat inatsisillu pioreersut eqqummaariffiqineqarlutillu malinneqartuartaasut pingaartutut isumaqarfigaarput aammalu ataqqissallugu mianerissat illersugassallu aamma eqqummaariffigisaallutigit.

Ilumoorpoq Danmarkimi paasitinneqarsinnaatitaaneq pillugu inatsimmi nutaami paasitinneqarsinnaatitaanerup ingerlatseqatigiinnut pisortat 75%-init annertusumik pigineqartut aallaaviatigut tamanut atuunna pillugu aalajangersagaqartoq siunnersuuteqartup tunngavilersuuteqarnermini taasaa, kisiannili tamanna suliffeqarfinnut børsnoterikkanut atuutingilaq.

Paasissutissiisnaanermut periutsit assigiinngitsuusariaqartut isumaqarpugut aammalu isumaqarpugut siunnerfiit assigiinngitsuutillugit sunniutaasinnaasullu annertuut assigiinngitsuutillugit periutsit assigiinngitsuuneri ataqqisassaasut.

Taamatut oqaaseqarluta oqallisissiamik soqutiginarumik saqqummiisumut qujanaq.